

資州直隸州志卷十六

人物志 宦業 文苑

儒林



宦業

宋張約通志陵州人爲都官員外郎天禧間以居民乏水乃引郡北大觀泉於寺前以利民用民甚便焉號曰官泉

張方字義立舊志資陽人慶元己未進士授簡州教授以宣撫使程松薦詔赴都堂審察未行畱權制置使准備差遣入爲國子監正轉太常博士以祖父母老

資州直隸州志

卷十六

人物志

宦業

一

久缺養除嘉定府尋以御史有言改果州丁祖父母憂復補邛州眉州提點夔州利州成都各路刑獄兼四川制置使參議始召見卽上疏曰更化之美浸渝於初利國之勢益趨於弱天變未弭民怨益深邊鄙若小康而亂本未戢盜賊若小寧而奸黨未除及去國又曰陛下坐朝無所咨謀聽事無所可否百官無所勸勵四方無所視瞻今日之事卒以偷歲月之暫未足以致理而爲久安之圖己卯金虜入漢中勢張大危急又言漢中三年兩羅侵擾如隄再潰如器再

壞吾蜀唇齒之國不容一失朝廷近所施置去取有類於棄蜀者三焉又條上急務六事皆勁挺無所忌諱及言大本大綱大勢大務指陳激切觀者咸爲之惴栗上竟優容之及王漢中臬事更復山河堰大城天漢及武林虎頭走集之險次第釐葺又蠲民錢三十萬緡有奇米二千餘斛追賁死節二人給田以贍其孥及興元末張福作亂陷利州掠閬州果州四川大震又與魏了翁移書宰執謂安丙不起則賊未卽平蜀未可定詔丙爲宣撫民心始安在古渝禁民殺

牛以祭壁山神在梁碎天王妖象礮夷其地每言大峩雲日光影蕩射之異深斥浮屠幻妄惑人建白合類省試選事分上庠生員十五合試西蜀之士中選者卽升之於學嘗以嘉定寶璽賜恩官其弟莊莊尋亦決科兄弟自爲師友作心箴以自警刻銘座右有曰敬安肆危勤逸怠勞皆有微旨進刑部郎官直秘閣詔赴任以母老辭再三御史論其矯激黨附遂奉母還其鄉治精舍築圃屋集鄉之秀士日與講習論說游息於其間從之者踰三百人又爲文戒後生好

尚之偏徇名失實務高忘本之病其言足以攻叔季膏肓矣爲人廉明剛介見義必爲三作州三持節所在有聲惜生不逢辰屢遭阻抑號亨泉子有亨泉遺稿一百卷

謝昇舊志資州人嘗上書救正言鄒浩權貴斥爲邪黨罷歸以父立爲達州推官因家焉後官至尙書

楊樸縣志資陽人紹興中發遣榮州軍州主管學事兼管內勸農事

虞祺字齊年舊志陵州人允文父初名聃政和五年成

資州直隸州志

卷十六 人物志

宦業 三

進士受賜更名紹興中知大寧監時鹽利多重徵公悉蠲放曰法無重徵例不可壞也知梓州以仁愛蒞治秦檜督使貢方物祺以地瘠民困奏上檜慙而止後免歸日閉門著書以壽終入祀鄉賢以子允文贈太師秦國公

陳損之字子長朝野雜記籍縣人紹興末提舉淮東常平以淮田多沮洳因築堤數百里捍之得良田數萬頃事聞賜名紹熙堰子長除直秘閣淮東轉運判官何令修渠子舊志通判邛州淳熙十二年索欽宗拜康

王大元帥御書令修以聞詔付史館遷一秩

陳升卿字光祖舊志仙井監人乾道間御史出知劔州恤民修學士民咸悅於學宮旁立祠祀之

程壬孫舊志仙井監人慶元間進士爲射洪令利興弊革更令漢源時羌人擾邊科調煩興壬孫身任之且言番憚於攻寨利於劫村盍於要害處各聚爲寨以遏賊衝制置使吳玠稱善壬孫沉靜寡言笑慮而後發不爲媚嫵以悅世居官蹈踐繩墨至老愈篤後遷雅州僉判卒於官與弟遇孫極相友愛時多羨之入

資州直隸州志

卷十六

人物志

宦業四

祀鄉賢

虞公著允文子舊志知開州有盜數千至境郡人大震公著不爲動徐遣兵禦之又募茶商三百餘人力拒之賊敗走

虞杭孫允文第三子舊志嘉定間守長寧武寧溪有巨石橫塞中流杭孫鑿之以通舟楫民賴其利至今石上有虞公峽三字

虞夷簡舊志允文之孫剛簡弟知富順監以崇化善俗爲務禁科斂恤貧窶廣儲蓄以濟窮民又爲義庄魏

了翁稱其能盡心民事

虞方簡舊志允文之孫宋開禧進士知夾江縣愛鶴洲清幽卜居數十年而還

虞易簡舊志允文之孫自福建漕幕擢守大寧

虞玆舊志陵陽人淳祐五年任淳安縣有惠政民咸德之

虞應龍廣東通志仁壽人雍公允文曾孫也咸淳中由太常寺簿知雷州修學校興水利蒐軍實申明律令平冤疏滯獲盜賊殺之無赦覈丁籍以別老壯寬賦

資州直隸州志

卷十六

人物志

宦業

五

稅以恤孤嫠於西湖西創十賢堂州治南建譙樓文天祥爲之記元史世祖本紀至元二十三年以編地里書召蜀人虞應龍赴京師

元虞槃集弟元史虞集傳字仲常延祐五年第進士授吉安永豐丞丁父憂除湘鄉州判官頗稱癖古有富民殺人使隸已者坐之上下皆阿從槃獨不署殺人者卒不免死而坐者得以不冤有巫至其州稱神降告其人曰某方火卽火又曰明日某方火民以火告者槃皆赴抹至達晝夜告者數十寢食盡廢縣長吏

以下皆迎巫至家厚禮之又曰將有大水且兵至州
大家皆盡室逃槃得劫火卒一人訊之盡得巫黨所
爲坐捕盜司召巫至鞠之無敢施鞭箠者槃謂卒曰
此將爲大亂安有神乎急治之盡得黨與數十人羅
絡內外果將爲變者同僚皆不敢出視曰君自爲之
槃乃斷巫并其黨如法一時吏民始服儒者爲政若
此秩滿除嘉魚縣尹槃已卒槃幼時嘗讀柳子厚非
國語以爲國語誠可非而柳子之說亦非也著非非
國語時人已歎其有識詩書春秋皆有論著而春秋
資州直隸州志

卷十六

人物志

宦業六

乃其家學故尤善讀吳澄所解諸經義輒得其旨趣
所在澄亟稱之兄集接方外士必扣擊其說嘗以爲
聖人之教不明爲學者無所底止苟於吾道異端疑
似之間不能深知而欲竊究夫性命之原死生之故
其不折而歸之者寡矣槃不然聞諸僧在坐輒不入
竟去其爲人方正有如此雖集亦嚴憚之然不幸年
不及艾而卒

何文才江安縣志資中人知江安州凡十載廉能著聲
明杜諒舊志資陽人洪武中貢士任莊浪縣知縣遷通

州知州負有幹畧會太宗渡江諒治橋一夕而成輿
衛如履平地論功陞陝西參政

胡亨舊志并研人洪武時貢生以人才選山東道御史
永樂靖難後以父憂去除調行在及遷都改除北直
隸賜御製圖書有清風御史箴冷面磨寒鐵玉琥肅
飛霜冰壺湛明月之句以母憂去服除補雲南監修
太和宮殿陞山西僉事以老歸囊無羨金臨終五子
各分竹器一副

蔡道成舊志資陽人洪武中貢士初任陝西慶陽通判
累陞至河南布政使官績所在有聲

黃貴舊志資陽人洪武中舉人由濮州知州內陞監察
御史以直諫聞於時

吳恭舊志并研人洪武二十三年貢士任雲南歸化知
縣有政聲永樂四年行取部郎與宦官爭事無所屈
撓黔國入覲及闕下馬恭廷糾之罰俸後以中傷陞
陝西鳳翔府判調潮州府判卒於官

吳儼字若思舊志內江人性耿介洪武間以明經貢太
學嘗督賦河南清理都勻戎伍查印綬監勘合咸稱

之起外艱永樂初除主事會文皇征迤北簡法司扈
行儼與焉凱旋賞賚甚渥時北京尙稱行在儼居刑
部一年復還南京十年仁宗爲太子監國陞工部員
外郎適應天府官坐盜用木值錢事覺上怒命儼及
御史趙從吉評事丁庸按問權貴私有所屬儼直以
聞翌日上臨朝責尙書等曰若非三人朝廷之法汝
輩賣盡矣衆以是銜之尋有鎮撫趙廣千戶呂貴者
比試賂都督郭義家人金伯高事露伯高已伏辜而
廣貴稱寃乃調儼覆訊兩罪人仍以重幣投儼儼卽

資州直隸州志

卷十六 人物志

宦業 八

縛其人以聞有旨下錦衣鞫問主者怵於勢利反坐
儼父子知狀下衛獄杖諸朝枷之通衢儼不勝慘掠
輒自誣服坐陶瓦遇例改役淮安站又改山東金錦
遞運所困窶特甚洪熙元年六月宣宗登極大赦始
得自便歸蜀家於亭溪之上晚號亭溪愚叟詩酒自
娛年八十終

吳浩字義生舊志內江人年十九舉洪武丙子鄉試典
教陝之咸寧以造士爲務登制科者甚衆尋憂歸司
徒楊鼎語人曰吾鄉職教者學行文章自吳義生外

鮮能及者起補石泉縣學民寡而貧二祭莫能辦浩
曰夫子廟祀徧天下何計一隅遂奏行釋菜禮民甚
德之秩滿擢曲靖府教授再憂歸尋卒所著有蘭畹
集。

陳鑑清澗縣志資縣人洪武中以進士知清澗時天下
初定教化未行鑑勤撫字興學校民漸知禮義賢聲
大起擢守霍州入爲禮部員外郎

鄧謙舊志資州人建文元年任滁州同知歷戶部郎中
一日宣宗夢丹陛右柱下有衣紅者一人從旁指之

資州直隸州志

卷十六

人物志

宦業九

曰此清忠方岳也詰旦朝百官惟謙衣紅傍右柱遂
擢爲浙江左布政司謙秉性剛直才識過人居家嚴
正至今人誦之

蕭文綬字藻伯舊志內江人建文庚辰進士邑人選南
宮者自綬始授禮科給事中靖難兵入畱都收元永
樂強綬同方正學諸人草制綬默不對成祖命鐵鎖
其右肩亦不答上憐其真誠釋之出爲德慶州判官
都指揮花某巡海索珍玩綬奏治其罪中使下海多
取舶中市物力拒之廣俗獷悍信鬼肆蠱禍人綬明

教令諭以福善禍淫大義俗爲之變地多疫癘令長子傑業醫全活甚多秩滿赴部訓導鍾本偕父老詣闕奏畱詔陞本州同知還任六年赴部感瘴卒僚屬吏民咸哭庭下如失怙云子儼仕至貴州左布政別有傳

李芳舊志資州人永樂甲辰進士拜監察御史論劾無所避正統間按貴州會計河等寨苗賊叛芳一鼓平之撫安其脅從者諸苗化服功奏進爵一級賚以寶鏹文綺芳性剛直果斷遇事刃解亦古之法家也

資州直隸州志

卷十六

人物志

宦業

十

向敬舊志資州人永樂間進士奉命勞軍雲南以朝廷憂恤之仁激勸軍士有聲上嘉之擢南京大理寺丞讞獄多平反守武昌有政績卒於官僚佐檢其遺橐惟圖書數卷舊衣數襲而已

李蕃字秀實舊志內江人永樂庚子舉人授漢中府訓導不就時仁宗初卽位乃修端本策發遞上之一曰正君德以端萬化之本二曰明儲副以端萬代之本三曰厚王國以端親睦之本四曰厚祭祀以端孝敬之本五曰務農桑以端庶富之本六曰崇學校以端

教導之本七日慎銓衡以端黜陟之本八曰擇守令
以端牧養之本九曰嚴風憲以端委任之本十曰信
賞罰以端綱維之本十一曰勵廉恥以端風化之本
十二曰杜徼倖以端仕進之本十三曰省玩好以端
尚御之本十四曰旌直言以端視聽之本十五曰修
武備以端捍禦之本十六曰汰僧道以端習俗之本
策進御卽驛召之會仁宗崩宣宗卽位蕃至京面試
稱旨擢兵科給事中益陳時政嘗奉命閱視紫金關
上言大寧開平空虛宜早城獨石等以捍邊衝朝廷
未及攄抱而卒

資州直隸州志

卷十六

人物志

宦業十一

田玉字德潤舊志內江人宣德中以明經貢太學授桐
鄉令廉明有聲三載丁外艱耆民詣部使者懇畱不
能得服闋至京桐父老乞復任詔從之邑尤大治民
爲豎祠祀之吏部少宰項文曜薦其能景泰壬申起
擢瑞州府知府在任六年廉平撫字不異桐鄉考績
赴京當大擢遽謝事歸年九十一卒

劉思道字學充舊志內江人宣德間由應貢任松陽令

清廉嚴一介歸田僅置屋數椽二百年餘子孫甲第接踵時稱望族

蕭儼字畏之舊志內江人正統壬戌進士歷刑部郎中
讞囚南京多所平反累陞河南參政時裕州守秦永
昌不法已寘重典有詔逮巡按等官至京唯儼抗辨
不屈得免尋陞貴州左布政使奏請頒樂器增解額
黔人德之乞歸卒年七十八有竹軒稿三十卷皇明
風雅廣選五十卷

何漢宗刪定全蜀人物志內江人正統進士歷官副使
資州直隸州志

卷十六

人物志

宦業

三

平生尙氣節不隨時俯仰居官清介學士周洪謨稱
爲鐵石心腸

田登字大有舊志內江人景泰丙子舉人歷荊州府通
判才氣倣儻好詩文居官有聲

劉時敦字用舉舊志內江人天順甲申進士授刑部主
事以詳敏擢員外郎時尙書陸瑜難於屬獨禮重之
遷山東僉事繫囚久不決時敦爲剖判囹圄一空居
官不阿權貴中官黃賜貴寵所過拜迎時敦不爲禮
賜語侵及卒不動會齊魯大水繼旱蝗時敦遍歷郡

邑調劑規畫復白巡撫發廩帑以救荒嚴操守以備
亂東省賴以全活者甚衆以按部焦勞卒於官年三
十九生平性至孝初官京邸旋外擢不得歸省著思
親說以見志子瑞始就傳卽匾其書室曰五清

鄧山舊志內江人天順壬午舉人甲申進士歷參政

劉元貴州通志仁壽人宏治四年遷貴州左布政使廉
靜寡欲以節儉爲羣僚先每飯惟青菜一味號曰清
菜劉仁壽志元天順庚辰科進士授主事歷雲南左
布政使鄒侍御疏荐三君子元居其一焉夙以清白

資州直隸州志

卷十六

人物志

宦業

三

自持致仕里居家無長物有巡使者以故人誼來候
畱飯肉二盞菜二器相與竟談終日巡使者退而歎
曰清儉古所未有也因贈之聯曰青菜芳名遠緇衣
世澤長

鄧本端舊志資州人景泰間進士拜監察御史有文武
才成化間劉千斤等據荆襄地作亂僭號命本端督
諸軍討平之復平陝西反賊士達蒲四火鎮游馬驥
等陞陝西按察副使兵備又請討洮泯階文河等處
番賊邊陲遂定本端軍令嚴明將校凜肅所過秋毫

無犯親旨矢石故所至克捷通紀鴻猷錄載本端勛蹟云

李臨安通志內江人景泰間進士歷戶部員外博學工詩賢名蔚起家宰尹旻甚器之卒於京旻親臨哭弔惜其未大用云

會鐸舊志并研人成化乙酉舉人九歲入學爲文純雅律身和敬任雲南鶴慶軍民府同知廉慎公恕公暇與諸生講解不倦士民慕之起復補任浙江衢州府義理之學平易之政見府秩官志九年考滿加參議

資州直隸州志

卷十六

人物志

宦業

四

服色調湖廣永州府一年以上三任俱不攜家口歸以祖產讓幼弟以俸餘助諸兄以幣助門生胡榮從學瀘州改傳禮經於邑崇祀鄉賢祠

余金字貢之舊志內江人性狷介不隨俗起家成化丙戌進士與關中雍泰同榜泰令吳金令長洲皆蘇附郭部使至率同候所輸具食泰廊大奉盤飧盈几案比金具饌率市蔬糲泰哂之金曰某邸中嘗畜數雞家人欲割一以充膳某亟止之曰某日不能幹長洲雞事可濫食一雞耶泰乃颺言曰我則日幹吳縣

十羊事恨不能日食十羊耳邑有陸三老者雄於貲
充糧長郡縣畧分待之金獨不爲禮約三限輸納否
有罰三老故不納金呼至枷於通衢其家盡輸以請
金不許懇於郡守守爲之解金曰明府命不敢違縣
官信不可失移縣門內三日釋之可也守素重金勉
從之一縣股粟時三老子完後爲太宰者年十八已
棄舉業代糧長矣三老泣謂曰向來吾知得官司驩
不知有法令若余公饒財何益惟有讀書能高門戶
耳金聞而嘉之舉完充弟子員卒以大顯金在長洲

久徵爲南臺御史風稜肅然尋陞陝西僉事晉副使
所至以廉勤著外艱歸以母老終養不起蓬戶疏水
不改寒素處兄弟極友愛族人有訟田者捐地償之
赴親故慶弔雖盛夏徒行不張葢衣冠秩如也接人
喜怒不形恭遜可掬其母九十始卒金年七十葬祭
盡禮縣令劉安成性簡抗獨敬之爲扁其堂曰君子
張萬鍾舊志資州人成化戊戌進士任高安令高安舊
俗新令至率有銀器爲供具萬鍾辭不受更爲其民
償逋負民德之及憂歸鄉居不履城市二十年卒子

孫發其篋笥惟書籍而已

宋有文舊志資州人成化間進士歷都御史巡撫陝西黜奸去貪法紀肅然致仕歸囊無餘物第宅一仍其舊人多其廉而子孫亦甘守其貧云

胡榮字茂之舊志井研人成化進士初任主事恤刑明恕陞雲南管督銀礦僉事六年撫慰有方民苗感德歸傳禮經於邑入鄉賢祠

李裕中字容正縣志資陽人成化癸卯舉人丁未費宏榜進士初任湖廣荊州府推官莅政廉明折獄多所

資州直隸州志

卷十六

人物志

宦業

六

平反而獨不假豪強以法貴威望風歛抑相戒無敢犯者行取陞南京山西道御史在臺以激揚自任風紀卓然爲留都冠出爲雲南臨安兵備副使設法擒勦夷寇邊徼以寧朝廷降手詔褒之尋卒於任未究厥施而識者重其聲伐謂冰蘖之操始終如一致也

周南縣志井研人成化進士官至知府政尙清簡歸以祖產推讓宗族徙居溫江入鄉賢祠

陰子淑字宗孟縣志內江人性剛尙氣平生以直節自許率其父典莊之教少工文善吟咏成化壬辰進士

歷貴州副使尋謝政歸優游林壑賦詩有冲然之趣
九十五喪明議論尤壯九十九卒邑令爲建坊曰百
歲憲臣

揭魁字士元舊志內江人由歲貢中京闈鄉試成化壬
辰進士有志節任樂平令有集蜂驅虎雨滅火諸異
政蘇州太守邱霽詩紀之

張介字廉夫縣志內江人成化丙戌進士授戶部主事
歷員外郎出知思州府多惠政察諸生可教者令就
學旁郡多雋科目秩滿致政歸與里中士大夫爲真

資州直隸州志

卷十六

人物志

宦業

七

率德星會優游林下幾二十年介生平孝友奉母極
色養兄弟子姪視之如一不計貲財嘗有姊夫逋鹽
課逃匿介代償出之尤爲人所難云卒年八十一子
作襄孫叔安俱以科甲世其家

馬自然縣志內江人成化丙戌進士歷知寶慶諸郡擢
貴州參政普安土人福祐挾故土官隆賜黜妾米魯
作亂謀襲官時巡撫錢檄自然與兵備周鳳都指揮
吳遠視事安南周聞夷狀洶洶辭疾不往自然單車
詣普安詢之父老皆云渠自相陵奪未敢侵我不煩

兵撫之便自然從其言明日米魯福祐納欵及歸周病功非已出先投記錢謂米魯一婦人福祐輩愚夫擒之易易耳馬及吳倡議安撫疑有他故錢遂奏其獲賂縱賊有旨命致仕遣法司臨勘主者順錢欲重坐而卒無左驗米魯知不免復嘯聚爲患錢檄布政使閻杰按察劉輻督征旣渡盤江逗畱不發米魯突至執太監楊友殺杰輻全軍陷沒江水爲赤朝議咎首事者而物議始直自然及歸不殖產不干謁耽情詩酒優游鄉里以壽終子孫科第蟬聯多躋顯膴云

資州直隸州志

卷十六

人物志

宦業六

汪藻字文潔縣志內江人幼以奇童稱七歲補弟子員成化乙酉領鄉試第一戊戌成進士選庶吉士授兵科給事中首疏中官汪直開西廠都御史王越開邊釁上之罷廠貶直越朝宁肅然出知石阡府老成威重卓有政聲都勻兵變藻功居多擢山西參政致仕高齊南字宗望縣志內江人敦樸孝友貌癯不勝衣性嗜書父友恭嘗撤其籍齊南潛玩益力嘗謂春秋一經聖學心法剔抉是非辨論異同直欲見之實用成化戊子舉於鄉授江西南城令是時益藩初封詔建

邸主者多侵軼軍民齊南獨劑量無擾興學校舉鄉射親爲諸生講春秋之學歲凶賑卹不懈士民德之初考入京疏陳六事曰杜穿鑿以正聖經申憲綱以遵聖訓廣存恤以溥聖恩免遞解以全民命緩私債以蘇民困除民害以安善良朝議行之秩滿陞岳州府通判逾數月以親老乞歸家居不輕謁公門與人交怡怡終日喜怒不形卒年九十有七以子公韶貴贈戶部侍郎

蕭翀字凌漢縣志內江人成化辛丑進士知虹縣再知

資州直隸州志

卷十六

人物志

宦業九

霍邱咸有聲徵入擢工部主事改刑部歷員外郎陞僉事尋擢陝西副使時邃菴楊文襄督馬政翀極力贊佐楊器重之丁外艱起補參政陞按察使右布政尋擢右副都御史巡撫真定時流賊熾甚翀日夜防禦中貴人店肆偶被賊焚遂有飛語中傷劾翀坐視下獄事得白乞歸再起巡視貴州改河南復陝西以平賊功受賞滿考贈三世如其官廕子一人丁丑改掌南院尋拜右都御史總督兩廣詰兵將宣布威信著平賊功武宗降敕獎論旋加俸一品廕子錦衣百

戶嘉靖初連上章請老得謝事歸濱行有憂擔從前曾汗背醉鄉此後好開懷之句其襟度可想

王一言字行之縣志內江人成化辛丑進士授瀏陽令邑大治五載徵爲御史按貴州酌俗制事不專刑威時土官那禧祿爭仇傳檄定之洪武來雲貴合試一言建議分省開科增解額時張皇親乞官廠大木一言率同官劾止之王都御史掌院事疏論不稱孝宗震怒下一言獄奪俸王竟罷召再按山東風裁峻整奏復聖裔孔宏緒官爵寧藩久蓄逆謀都御史李師資州直隸州志卷十六人物志

宦業
三

實陰佐之一言摘發劾奏之擢僉都御史巡撫寧夏修屯政預芻糗擇守要害經畧盡力會布襖兒入寇總督才公約防勦急一言涉黃河冰陷感疾卒於固原行臺子之臣仕至布政司參議

張拱字朝儀縣志內江人成化甲午舉鄉試丁未成進士初任漳德府推官以讞獄明允卓異陞守信陽廉勤立政士民懷之陞南京戶部郎中以清介著聞楓山章懋有安得如君數百輩坐令民物回唐虞之贈壽九十卒於官

張偉號柏軒縣志內江人六歲從舅高東岩學高恤其勤偉學益力人奇焉中宏治丙辰進士令宜興邑煩劇偉勤於治逋訟皆清宜人德之補南皮有奪民田自益者奏下以屬偉偉按以法還民田忤勲戚轉大同清屯官先是大同之役事出逆瑾邊恐隙田加賦謀作亂偉密勸大廷尉楊武以沙鹵不耕報邊士帖然瑾遂以偉理遼儲益欲陷之也入遼廉得巨賈倚中貴人賂狀夙弊頓除瑾益憾之左遷兩淮運使復以治怙勢佔掣鹽地故逆權貴掛冠歸以所受宗田資州直隸州志

卷十六

人物志

宦業

三

悉分異母弟優游林下終身不言忤權闕事以壽終所著有柏軒集三卷

馬溥然字思濟大名府志內江人中宏治乙卯舉人已未進士爲長垣令歷御史善政

鄧九容字正儀縣志內江人宏治乙卯舉人授保康令以清介祀鄖陽名宦

晏珠字廷光縣志內江人宏治辛酉舉人卒業成均楊文忠公延教家塾與伯子升菴友正德辛未同舉進士授平陽令攜一子二蒼頭以行居官如治家惜民

財若已物糲羹疏食晏如也丁外艱起補潛山約已勤民益自刻厲尋陞戶部主事以疾卒於京卒之日囊無長物同里冷郎中經紀其喪平潛二邑俱祠名宦

朱尙忠永州府志資縣舉人知祁陽縣在任勤慎既去民懷思不忘

張叔安字一山縣志內江人登宏治辛酉舉人乙丑進士官行人典試關中得士最盛上端揆策反覆萬餘言皆修已治人之理上嘉納之尤嗜仙釋嘗與方外

資州直隸州志

卷十六

人物志

宦業

三

羽士遊巡按山西署中畜一鶴有羽人詣借鶴叔安笑許之叔安退羽衣人及鶴俱不見一日晨起櫛沐卑肅衣長歌而逝三年有蜀中丞齎奏差道遇一官一道人江舟偕遊呼差曰吾蜀內江人將書及錢付差去彼亦以爲遊宦客也及歸過里方悉其始終

高錫字永甫縣志內江人宏治中以應貢任河州州判委勘城會賊入寇設伏張疑城得全以勞瘁卒於官張元電字文光舊志資縣人宏治戊辰進士負奇氣有風裁初爲御史彈劾無所避忤閹瑾改刑部主事後

遷知保定府武宗南狩江彬以無賄故誣繫獄鞫弗
屈尋奏釋之改處州值黃巖賊起諭以禍福賊卽遁
去郡人感而祠之後竟以忌免少師楊公惜其才以
爲不在余肅敏公下家居十三年卒有石峯書法文
集十餘卷

曹興孝縣志井研人正德時貢生初任山東按察司經
歷通曉律法廉潔自持陞任陝西平涼府通判實心
愛民弭盜除姦操守尤謹歸無宦囊唯圖書數笥山
水自好公門絕跡邑人企重之

資州直隸州志

卷十六

人物志

宦業

三

左崇寬縣志井研人正德二年貢生任雲南河陽知縣
遇旱祈禱智井湧泉士民德之崇祀鄉賢祠

冷向春字仁卿縣志內江人中正德甲戌進士仕南昌
推官迎母盡養在官廉靖嚴明當道屢加旌薦時逆
藩不法官司多爲所屈獨向春與孫遂許達協志抗
諫逆怒橫刑許孫死之向春血淋氣息逾日復甦膚
損齒折後論獲逆功擢刑部郎中尋致仕還里與親
友不仕者爲易簡會講道德娛詩酒肅家訓子賢女
烈邑人咸欽服之

馮積祿字儒修縣志資陽人宏治甲子舉人正德唐臯榜進士任山東沂州知州清介剛方人以之比趙清獻內擢部郎抗直不爲權貴所悅遂拂衣歸隱於武岫岡自號水東居士足不入城市者三十年著述白娛卒崇祀鄉賢 按太學題名碑榜姓張

高公夏字大德縣志內江人正德癸酉舉人令枝江有聲祀名宦

陳力字以相縣志內江人正德甲戌進士爲德安推官治徵典確法當臺諫以年不及例爲刑曹郎出守杭

資州直隸州志

卷十六

人物志

宦業

三

州率杭士創萬松書院治行大著時永嘉驟貴幸用事杭要地請謁日至盡裁以法尋遷陝西觀察永嘉再相因嘆曰吾安能爲相媒孽者時年三十二歸生平薄詩文專攻性命之學趙孟靜稱爲津梁學者號桂湖先生有集若干卷行世

周正經縣志內江人夙有才幹以吏員授東莞縣京山司巡檢會寇作率其部禦之鄰境悉以無恐尋以征回岐驛有功擢布政司照磨仍檄補廣東惠肇慶三府捕盜三府之添設捕盜通判悉革罷以一其權正

經領檄累征南海番禺及連山瓊州諸寇擒斬以千計俱不報先是江西賊首羅光權煽亂有旨能擒者賞千金世襲錦衣千戶正經身親血戰計擒光權止賞百金而錦衣之典不錄以母老力辭歸養嶺南薦紳咸具詩文贈之

游緇字文達縣志內江人幼負穎質長受經同里李洞山補郡庠會劉五清僑居錦官因卒業焉正德乙卯領鄉薦屢上春官不第謁選守沔陽奏蠲逋賦給牛種與民便利阨於豪勢移鄧州丁外艱起補易州廣

資州直隸州志

卷十六

人物志

宦業

三

軍儲飭戎備教諸生政多可述擢蜀府右長史蜀故守禮國成王最賢賜坐問學令爲世子講官六年滿王特奏加陞四品服丁內艱服闋不起徜徉山水間會大工採運役夫病者相望爲給米藥訖工罷其濟物愛人不倦若此文尙六朝詩喜聲韻著有在笥稿漁唱龍山堂漫稿文獻錄

高公武字大定縣志內江人正德乙卯舉人任宣城令擢深州以廉恕稱

王之臣字敬克縣志內江人一言子嘉靖壬午亞元乙

未進士由行人擢御史扈駕南巡遴才幹之臣與焉
因論事忤執政夏公遂以年例改郎中奉勅督木湖
廣冒險衝暑日不再食猶不言勞期年報成鬚眉俱
白上嘉其功賜繒綵陞福建參議將赴任以積勞病
且革猶口占犬馬未竭身先殲之句絕不道及家事
大司空題請特恩予祭行省給銀優卹其家著有烏
臺疏碧巖淡墨數卷孫儀鳳來鳳能文章寢昌世業
云

李元嗣字繼之縣志內江人性簡靜少與劉文肅友善

資州直隸州志

卷十六

人物志

宦業三

談性命之學以歲貢授蒙化府分教士喜得師陞德
陽王府教授與王不協改楚府初謁選會肅皇入繼
卽上封事請復革除年號正景皇之謚適同邑余德
仲爲儀曹部郎懼不敢復司馬梧山守西勸急遣人
讓其言不爲動第云某素聞於父師者今當告之吾
君耳善藥人病高司徒性僻筮仕撫州諭以從容和
緩又遺書語之司徒終身佩爲韋絃常語人曰白菴
之李龍溪之張二先生者其吾師乎其見服於人者
此

張士儼字敬思縣志內江人嘉靖乙酉舉人歷同知性醇雅尚慈惠賑饑修學士民懷之

李全字伯才縣志內江人嘉靖己丑進士授蒲城令廉明有聲豪猾斂跡以事被誣待訊西安數載始白丁外艱歸貧甚授徒自給調判壽州陞山東僉事丁內艱李中丞鏞知全貧送賻百金謝不受起補湖廣控制江防歷溪洞轉陝西參議守商洛塞利孔禁游惰曠盜遠屏會關中大饑蒲城尤甚全捐俸賑之蒲人嘆曰始終活我者李公也以老致仕歸逾年卒時稱

資州直隸州志

卷十六

人物志

宦業

三

清白吏云

劉養仕字學夫縣志內江人嘉靖戊子舉人守潁州有救荒善政擢永州府以循良稱壽八十一卒

趙占字吉卿縣志內江人十七補廩與文肅公共學戊子同舉鄉榜屢上春官不第除華容令諸政備舉適湖泛決堤田盡汙萊人民流散豪右多任勢私佔占單騎勘踏蠲俸買給牛械種糧流民復業者三千餘戶時給諫畢君以公務至容有曉煙開萬戶春雨被三農之贈擢秦州守軍民雜居武弁豪悍占以廉直

攝之州有伏羲跡捐俸建祠聚徒講學校刻陽明文
集天水秘旨藏於署臺司以理學重之擢襄陽郡丞
未期月以親老乞養歸邑稱其孝卒年八十有九羅
方伯瑤匾其門曰百歲大夫子從先登癸酉鄉榜
高世彥字仲修縣志內江人負質奇崛刻意爲文中嘉
靖辛卯鄉試第二壬辰聯捷進士歷官河南僉憲陞
布政使繇洛人畱之主爵隨願奏允忽以久任生疑
欣然掛冠歸里居四十八年壽九十無疾而終生平
以孝友謙恭見稱子梅登萬歷甲戌進士

資州直隸州志

卷十六

人物志

宦業

三

孫宏軾舊志資縣人嘉靖戊戌進士授新河知縣有政
績陞刑部主事歷官至湖廣布政司左參政

閻東字啓明縣志內江人嘉靖甲辰進士任知縣廉明
強毅陞提學御史

蕭世延字可靜縣志內江人嘉靖戊戌進士以行人擢
御史警敏博洽工詩文兩巡有粵卓有風采數條上
兩省利弊切中事情爲一二忌者中傷卒蒙詔罷歸
怡然不以介意生平重本敦倫不遺故舊以祖遺產
讓同堂兄弟事諸母至孝鄉里稱之

楊祐字受夫縣志內江人幼穎秀嘉靖乙未進士授行人奉使藩封謝絕宴餽轉工部員外郎議省公帑不費出權杭稅盡除夙弊有以例告羨者祐曰若知以羨爲稅故時例抑知不以羨爲稅故吾例乎時有畱得清風徹古杭之贈還朝值嚴分宜用事不之附左遷照磨轉洛令復入爲部郎尋擢貴藩少參時安夷曾攜多金假驛丞萬謙以賄祐嚴辭却之後貴撫迎合執政意坐論列去祐家居甘淡泊一羸馬三年與田間父老偕遊自適年九十二無疾而逝

資州直隸州志

卷十六

人物志

宦業

五

高鏞字景甫縣志內江人弱冠補邑庠時父已官司徒鏞下帷攻苦嘉靖甲午舉於鄉登甲辰進士授平陽令邑苦倭患會夷舟泊西海口擒一謀懸之藁街倭自是遯去徵爲御史巡按兩淮清理鹺政查積羨十五萬以充邊儲及按江右激濁揚清墨吏望風解組人謂爲鐵面御史時分宜柄政以不修私覲而又逮其不法者竟以此失歡落御史職外補中牟令赫有治聲配漢循吏魯公血食及遷大理府丞晉副南曹不就歸囊無長物庭鮮干謁獨事關鄉里利害輒侃

侃言之時有盜劫庫誣連黃市民陳撰等二十餘人
力救得免鄰賊蔡伯貫亂衆議築城自完鏞謂棄郭
外民非計民卒賴以安堵其他種種懿行莫可殫述
里人士咸稱道勿衰

陰惟肖字仲悅縣志內江人嘉靖丁酉舉人令汝陽有
善政擢員外郎

龔文魁縣志內江人嘉靖丁酉舉人性寬厚令泌陽捐
俸賑饑士民賴之未老致仕有萬石之風以子懋賢
貴贈御史

資州直隸州志

卷十六 人物志

正業 三

張求可縣志內江人嘉靖癸丑進士歷鞏昌知府廉仁
有聲陞副使遂浩然歸里人稱其德量宜其後嗣克
振云

馬進階字庸甫縣志內江人醇謹質直與弟升階厲志
潛修時稱二馬舉嘉靖庚子鄉試典蒲圻庠入爲國
子助教所至獎拔善類出守景州景於瀛海間稱饒
劇俗素強悍進階政治廉平不尙緣飾境內大治陞
襄陽同知會大工起採楚材急進階承檄往沂江入
谷獲巨木以報當事錄其勞績欲大用之以親老謝

事歸承歡匪懈暇則與故人談古今事兒童走卒罔不嫗噓孚翼之晚年精於易範諸經史不釋手以忠厚教人一切世味淡如也卒之日囊無餘貲里人王三錫輓句云何物傳家餘四壁幾年逃世息三支衆稱其精當云

劉三正縣志內江人嘉靖庚子舉人負才磊落遇例爲兵部司務歷山西僉事

張叔宣和州志內江人嘉靖二十三年知和州民有興訟者輒和顏諭之每里擇有行義者一人勸民以禮

資州直隸州志

卷十六

人物志

宦業三

使勿爭嘗單車出見村婦逐隊挑菜田間持一束歸和羹召諸僚佐共食之時有陳侍御北上叔宣裁其夫役陳不能平尋撫廬鳳廉知叔宣清介更力薦之高察字汝哲縣志內江人年十九登嘉靖壬子鄉試丙辰成進士授南樂令丁母憂服闋補濬縣約已裕民清廉載濬志晉銓司嚴臧否外補河北參政晉粵西臬憲歷左布政凡七載持正不阿值江陵秉政以不事趨承見憾適星變詔汰冗員時年四十五竟以老免官海內以爲異談歸數月父贈君甫謝世嘗自言

曰吾幸得一日養三公不逮也生平學行純粹重修
邑志戊子年五十六卒

楊禎字時祥縣志內江人嘉靖壬子舉人任雲南楚雄
府推官惠政有聲

陰鎔字孔成縣志內江人少保月溪子幼以文名食庠
餼屢試不售始受廕會少保卒於官扶櫬歸哀禮畢
盡以母年高謁選歷轉郎曹出守思南尋陞兩淮運
使所在廉明有聲先是少保久宦家政悉鎔任理內
外肅然待諸弟友愛篤至更樂施與睦族鄰鄉里稱
資州直隸州志

卷十六 人物志

宦業

三

余宗傳字師魯縣志內江人嘉靖戊午舉人初署鳳縣
諭鳳介萬山中文教榛蕪宗傳口授講解經術始明
擢安定令勸課農桑均清徭役新學校賑荒歉衣布
茹蔬秋毫不以厲民委清蘭皋軍餉盡釐其弊臺司
嘉其才刻石垂久他如清查苑寺牧地禁官軍私馬
鋤強梁占役省商賈權稅皆惠政之表表者卒以此
忤權勢乞養解組囊無餘貲士民勒碑歌之家居讓
產以贍弟姪詩書課子孫角巾緩帶督童僕耕作日

惟詩酒自娛足跡不入城市時稱爲廉靜先生云
劉翹字元翰縣志內江人嘉靖辛酉經魁壬戌成進士
令渭南多異政召入爲御史敢言極諫巡長蘆條陳
鹽法却羨十萬兩以充公帑按順天豪貴斂跡上疏
數十章其大者如絕西山四月八日僧道淫度醜
習著爲令辛未會試請廣制額五十人時新鄭相呈
議去途有觀望意飛章義責之竟以是結怨後備兵
浙江以討倭功受上賞晉大參與時相議左嗾其黨
劾之歸有西臺疏草若干卷藏於家

資州直隸州志

卷十六

人物志

宦業

三

馬呈圖字道甫縣志內江人嘉靖辛酉舉人令鄂縣清
徭賦招流民禁社黨議壩橋減站驛懲豪右以治行
卓越擢御史侍經筵巡視城營人憚其直監臨貴州
關防清肅在臺疏凡十二上如請建堤防裁溢額清
占地禁寄莊寬帶徵闕言路汰冗官諸皆關切紀綱
復命監臨廣西試呈圖星夜奔馳形神俱耗闡事竣
卽抱病卒於官生平廉明正直有古遺直風

吳玉汝縣志井研人嘉靖戊午舉人任湖廣江陵知縣
居鄉恬靜敦尙孝友施藥濟貧植柏千株於學宮後

以培風水有奏請七賢從祀孔廟疏

蕭祐字子先縣志內江人侍御世延子博學孝友遭流言不辯登嘉靖甲子鄉魁授昆陽令多異政擢楚雄同知敘督餉功陞澂江太守以清白稱西郡多礦利毫不染指先是祐爲諸生時有丐兒憇城隍廟夢神語曰蕭生爲某誣吾白之當魁多士後果然

姚宗堯字惟一縣志內江人隆慶戊辰進士任夷陵令清正有賢聲政暇詩酒自娛時夷陵民爲建生祠晉部郎

資州直隸州志

卷十六 人物志

宦業 三

羅良禎字雲衢縣志內江人材雄學博每試輒雋舉隆慶戊辰進士授盩厔令省刑薄賦民尸祝之遷戶曹歷雲南僉事湖廣參議所在政績有聲抱才未竟其用卒長子彥以廩生授學訓尋亦早世衆惜之子孫皆彬彬詩禮焉

周大愚通志仁壽人自安肅縣令陞雲南劍州牧挈眷渡河值風濤大作舟人請止大愚高吟一絕曰試將心事白河神五年常祿半千金若教此外苞苴入擬向洪濤一棹沈逆風而渡竟無恙

陳紀字惟修縣志內江人幼從劉見嵩受麟經登隆慶
丁卯鄉薦任溧水教諭轉三汭令翔翼序請置師生
清侵沒抑橫弁政教兼舉丙子分房考得劉右吾文
許之國士後如其言入爲大興尹江陵相朝班中見
其體貌頗偉期一識面竟謝不往居正有牡丹園圍
丁負逋紀寘於法時豕宰趙吉亭爲順天京兆甚壯
之壬午神宗大婚舉謁陵幸學諸典禮供應利捷咸
稱其才轉戶部河南司主事監兌荆糴以長沙李傲
抗成郤李甫入臺劾之遂歸人以爲惜

資州直隸州志

卷十六

人物志

宦業

三

雷嘉祥縣志井研人隆慶辛未進士任湖廣宜城知縣
繕城禱於神堤決得銅夾數窖充工用一日郊行驟
雨四漲莫辨歸路驅一騎水中行若有神物翼之政
績卓異吏畏民懷行取御史巡長蘆漕政再巡貴州
三月陞湖廣武昌僉事半年奉調歸卒所著有名賢
史傳錄行於世

趙臺柱號海門縣志內江人蒙吉子隆慶庚午舉人辛
未成進士事母以孝聞任岳州司李清慎英敏政聲
騰湘沔間兩臺薦之於朝擢滇中尹旬月致仕歸家

居二十年按臺獎云居鄉高舉十年跡絕公庭出仕
冰操千載碑畱戶頌數推鄉飲大賓壽七十終著有
櫻林集鳴皋集數卷

張季思字以誠縣志內江人萬歷庚辰進士除祁門令
平訟獄均徭役剔蠹釐奸狡黠屏跡徵爲御史值京
師大饑疏請發賑又請闢言路糾其不職直聲震一
時出爲陝西僉憲晉少參適哈劉二賊猖獗西夏季
思督餉飛輓賊就擒後補武昌守當會省衝悍以廉
靜治之擢汾陽大參愛商恤民政無遺善如議藩封
資州直隸州志

卷十六 人物志

宦業 三

等事調停曲當疏請致仕以承母歡邑稱忠孝兩全
家食三閱月無疾而卒

陳禔縣志內江人萬歷丁丑進士爲農部郎狷介自持
同曹初厭其難近久信爲君子神宗冲齡精覈國計
禔管太倉庫藏出納明允晉大梁憲副化驕兵靖妖
黨賢名大著尋以艱育懷歸尋起滇藩太參政卒年
八十

張文華字兩茂縣志內江人登萬歷癸未進士授行人
奉使諸藩封凡所餽遺卻不受壬辰應內召選南京

禮科給事中諸所建白皆關國本時宜尋以孤介被
忌出爲陝西僉憲分備兵靖邊再移關南彈壓得體
軍民德之適與當路意左舍沙射影謫守北保安邊
徼瘠薄人爲之難文華欣然就道抵任後邊警薄保
安衆至萬騎文華神氣自若發謀禦侮卒以無害時
論重之子學周仕至工部侍郎

楊世傳字象山縣志內江人萬歷癸酉舉人歷河南知
府有惠政子孫科甲蟬聯稱盛

張問達字德孚縣志內江人萬歷癸酉甲戌聯第初授

資州直隸州志

卷十六

人物志

宦業

三

嘉興令經理錢穀織造清除供應賠苦其尤著者如
伸孫蜃川奇冤杜吳默菴外侮嘉人祀諸名宦尋擢
西臺矢心獻替一歲上章數十如請建儲請冠婚諸
疏皆關切大體以言忤政府遂謫福建運司知事委
篆鹽運以廉敏著兩臺交薦僅起萬安令愛民好士
猶治浙時及晉南部條七上議皆碩畫時利賴之間
達自爲令至部郎多財藪而絕不營利數分校浙閩
所得皆雋士多躋顯廡歸家囊橐蕭然班舞娛親孝
友贍族年高有德屢與賓飲子炯舉癸卯鄉試

蕭大臣字魯一縣志內江人如松子性穎敏弱冠考全省儒士第一補弟子員數奇以廩入貢授興化丞三載矢志清白遷臨安經歷去之日行李蕭然士民嘆曰蕭君只飲興化一盃水其後必昌是科甲子弟象成子希何同膺鄉薦適病篤仰謝曰我父少卿事業有托可瞑日矣含笑而逝年五十八多所著作行世季子希參戊午副榜亦以文學著名

周嘉賓字仲召縣志內江人弱冠登萬歷丙子鄉薦癸未成進士除范陽令政尚禮教持大體催科不擾察

資州直隸州志

卷十六

人物志

宦業

三

獄以情士民德之調繁令金谿愛民好士一如范陽時尋擢工部主事權稅荆楚無濫征歲額常溢當路方柄用之聞父病亟投牒歸正及含殮人以為誠孝所格起補儀部郎在職精勤事必綜核首嚴諸名藩請封查勘之文宗藩賴之時值倭寇請封詔下儀部禮垣會議久不決上怒奪多官爵及嘉賓飄然旋車承歡母氏嗣薦者交章嘉賓已卒年未踰艾位不稱才士論惜之

張堯臣字希夔縣志內江人萬歷丙子舉人丁丑聯第

授大行人奉使蜀韓秦各府謝絕宴餽諸藩重之陞
戶部主事清慎特聞出守鳳翔適寧鎮兵變括庫金
儲戎器烽燧以寧多惠政雪郡屬冤獄釋株連士民
德之備兵江防時剽劫橫行堯臣增哨船嚴守備長
江肅然守滇南會土酋負固中臣勒兵討之以堯臣
督餉上屯糧贖穀平糴轉輸四議奏捷賜陞俸兼攝
學政尋擢總憲晉方伯十餘年間勤勞最著因才名
爲時所忌遂拂衣歸生平敦孝友好推解族人多蒙
其惠子孫彬彬詩禮秦滇俱祀名宦

資州直隸州志

卷十六

人物志

宦業

三

楊繼朝字汝敬縣志內江人萬歷己卯舉人父麗岩歷
官清苦兩上春官卽乞祿曠庠多所成就轉令安定
邑商販鹽淮浙間前尹多黠染劣去者繼朝獨廉以
律已諸商畏愛之盡却繹站支給扣羨常例轉蘭州
守以雙親垂白掛冠歸長子樹節雋副榜次樹第舉
甲子鄉試時以爲燕翼之善云

劉應臺字文卿縣志內江人早歲遊泮隆慶改元拔成
均中己卯鄉魁以檢選授嘉興判督理糧儲却常例
千金代軍門出汎武弁擒窮而漁爲倭鰲者三十五

人應臺廉知其爲中國人盡釋之德政率多類此忤
當路調任歸家行李蕭然人稱清白吏優游林下二
十餘年課子之暇詩酒自娛子承薦邑庠承蔭丁酉
鄉魁承華由上庠入對大廷

冷節堅字義甫縣志內江人萬歷己卯舉人授秦州牧
有善政多子賢而能文

王應期字士興縣志內江人以麟經中萬歷己卯鄉試
父涇泉翁早歿奉孀母以孝聞屢上春官不第祿仕
古普論多所陶鑄轉粵西永淳令有聲望擢楚雄郡

資州直隸州志

卷十六

人物志

宦業
罕

丞兼攝縣時礦務穢冗應期律已最嚴勤於政治考
成贈父母如其官俸深宜遷有從中沮之卽拂衣歸
性好靜不輕謁官長赴鄉飲辛酉奢寇破家鬱鬱成
瘡甲子春卒子孫多賢達云

陳緒字惟光縣志內江人少穎異孝友舉萬歷己卯鄉
試游三輔司鐸興濟寧津值父艱卽思避世母徐強
之仕補清河令詰三輔大盜練兵備關疏時事八款
中敵情時中使出選東宮妃太守九縣令俱遭使謫
緒面折義動京師遷判京兆會釐降權南海珠賈人

供億萬不辦司農下京兆五少府分程其事賈人譁
闕下事值緒往白京兆尹難之則曰海竭明珠寂寥
但爲聚斂臣稱滄海君酷吏耳尹義之宛白上賈人
甦焉以母老乞歸養不報遷守葭再疏情詞哀惋始
允致仕歸家杜門養母母百歲卒緒哀毀骨立尋以
疾終

鍾應麟字孟仁縣志內江人奇訓子萬歷壬午舉人屢
上春官以親老祿仕除路南守剔奸釐蠹築堤清畝
舊學湫隘無雋科者應麟捐俸鼎建是歲遂捷三人

資州直隸州志

卷十六

人物志

宦業

起補宿州守時旱民半流離多方慰撫賴全活者甚
衆轉開封郡丞值紅賊猖獗撫臺委緝立獲渠魁劉
養性等數百人紀錄卓異爲時輩所忌遂致仕歸以
詩禮訓子孫分俸兩弟邑稱孝友云

鄧應祈字永卿縣志內江人幼以奇童稱舉萬歷壬午
第三人丙戌成進士授麻城令邑稱難治應祈至緝
不法者實於獄咸憚其神明薄贖緩開荒蕪措施關
利害大政邑紳耿周梅諸大姓皆傾心焉善衡鑑充
戊子分試得士周應嵩吳化等皆一時英杰又於章

試時首選李夔白後官冢宰稱名輔世多其知人徵入爲吏部主事卒於官

陳效明史陳演傳并研人祖效萬歷間以御史監征倭軍卒於朝鮮贈光祿卿

范文彥字季淹縣志內江人萬歷壬午舉人令文縣以才能稱丁繼母憂里居未盡其用子弟能文

張應臺字玉甫縣志內江人弱冠補弟子員試輒高等雋萬歷壬午副榜乙酉舉人授筠陽司李摘奸發伏洞若然犀豪猾一時斂手署豐城令時有青天之頌

資州直隸州志

卷十六

人物志

宦業

應顯擢以廉直不阿爲小人忌中以蜚語乃調恆山尋轉井陘中間辨巨盜于市懲貴斃杖下風采最著遷巖幕攝淳安所在民思尋致仕歸琴鶴清風詩酒自娛年六十餘卒子拱機雋辛未會魁世其家

徐鳳翔字文徵縣志內江人少遊庠試輒高等登乙酉賢書己丑雋一榜任璧山教諭雅意作人轉大理推官爰書明允棘廷無冤擢無爲州守抵任有惠政士民德之因前任司李執法不阿爲忌者中傷卽掛冠歸明農教子夷猶林壑士大夫雅推重焉

張應登字玉車縣志內江人萬歷壬午舉於鄉癸未聯捷初授彰德司李平反得情獄無冤滯尤不避權貴請開萬金渠灌田萬頃鄴民賴之報績第一擢吏部主事歷兵部風裁特峻如請兵食請戎政罷楚總兵官置三省總督覈實東征功罪議處西討戰撫諸彈張一一稱旨典試楚闈遴拔皆名雋外補山東副憲不數月以邊才調隴右權要銜之遂歸囊無長物每豪吟自適著有疏稿藏於家子拱今有文名孫鼎中崇禎丁卯鄉試

資州直隸州志

卷十六

人物志

宦業 三

余士麟號九區縣志內江人萬歷乙卯舉人授楚藍山令徭民雜沓士麟拊循開導以外艱去士民勒石泣別再起補楚房縣新黌宮振文教太史劉貞白輩始先後雋科甲進補宛平治尙廉平不屈權要夙弊一清擢雲南順寧府知府卒于官

張世慶字善甫縣志內江人萬歷乙酉舉人任蘭州牧居官清正孝友持家鄉里重之

喻繩祖字來武縣志內江人萬歷乙酉舉於鄉乙未成進士任沅陵令卓有賢聲推湖北政行第一轉大理

評事盡心爰書多所全活尋卒於都子大壯中辛酉
鄉試第二

郭之賓字明重縣志內江人弱冠充廩庠學使郭青螺
目爲天下士九試秋闈不第講學資聖剎從遊甚衆
萬歷辛卯舉於鄉授平江令甘清苦有循良稱後以
事謫淮安行李蕭然士民遮道泣別建祠祀之里居
閉戶讀書有古君子風子景登戊午鄉薦

門遠字鴻揚縣志內江人萬歷辛丑進士歷官至按察
廉使少勤敏嗜古爲文簡練蒼勁有柳州風在卽署

資州直隸州志

卷十六

人物志

宦業器

數年遇事慷慨氣節過人極敦寅誼朝議重之及督
學滇省扶衰起靡文風丕振後以總憲致仕歸不事
干謁喜攜友遊名山梵刹吟風醉月盡山林園池之
樂著作甚富其訓子孫以忠孝爲先才名清望人所
難及

梁洪化字凝二縣志內江人少孤貧事母至孝舉萬歷
丁酉鄉試以高第守乾州召亭長緝大盜釋冤獄家
人布衣脫粟調德慶同知寧波俱濱海總貨員洪化
悉罷賈人之例曰吾以不貪爲寶也詰普陀奸僧請

倭徼之釁時推循吏歸田吟咏自適犯而不校有長者風

何京字玉垣縣志內江人萬歷庚子鄉薦性至孝以母病兩滯公車及母卒躃踊幾絕友愛甚篤古樸剛介不輕言笑初授北直大城令廉明侃直中貴豪滑咸畏憚之調繁玉山兼攝上饒行取大理寺副轉寺正六載聲名大著時魏璫勢傾中外京抗不通一名內閣施鳳來豕宰房壯麗咸危之崇禎改元三鞠逆黨爲三等定罪嚴正無私上允其議其姓名審詞見載

資州直隸州志

卷十六

人物志

定業

五

明史獄成陞大理知府後副憲滇西兵巡金滄諸路率師征阿彌土逆大捷普賊平甫一月卽乞致仕聞加陞一級賞銀十兩歷官三十年清苦異常蜀撫劉大中丞以師生誼堅請入省一會不允其介節如此年七十卒里人欽其品望

李應魁字光素縣志內江人少穎敏與兄明經應期探研經史苦學不倦萬歷癸卯舉於鄉甲辰聯捷選庶吉士後爲御史巡按山西兩淮歷陞方伯釐奸剔蠹人畏憚之熹宗時魏璫擅權遂乞致歸魏敗起太常

卿名望大著歸卒於家年六十有詩文傳後

王有翼字仲甫縣志內江人萬歷丙午舉人授嘉州教諭典黜試得士田景猷等時多其識遷國子學正晉參棘寺以副郎差示燕平兵餉省五千金加服俸出知平涼府循譽方著以艱歸尋卒物望惜之有子世其業

閔之聞字仲孚廣東通志仁壽人萬歷三十七年知三水縣革加耗捕盜賊保護良民扶植士氣暑雨中勘閱水災修葺圩基多所捐助一時強暴屏息胥役不

資州直隸州志

卷十六

人物志

忠臣業

吳

敢爲奸後憲桂林取道三水士民爭願一見爲立祠祀之

馬士驥字仲先縣志內江人博學多才尤精劍術萬歷壬子舉於鄉授興濟學諭戒豪侈諭諸生無醜女樂濟風以清外艱歸值奢會之亂奉母高恭人崎嶇萬狀勞瘁成疾尋補安陽病發卒人咸惜之

張學周字通西縣志內江人萬歷己未進士由秦令人拜御史巡視諸省卓有風裁晉順天府尹轉太常寺卿練達時務儀容甚都尋陞工部侍郎上喜其簡靜

老成欲大用之竟以疾歸歷任俸金散諸弟姪鄉人推其孝友卒年六十三葬後數月始有獻賊之亂識者以爲天之保全善人云

胡汝政湖廣通志井研人萬歷中知攸縣時礦使驛騷汝政婉却之不敢橫肆均賦役毀淫祠尤加意人才體恤寒峻

陳門徒湖廣通志井研舉人天啟初長沙縣丞初至見學宮頽圯集庠生重修之作養人才勸考課循誘有方署寧邑篆清操自勵士民立石江南之衢

資州直隸州志

卷十六

人物志

宦業

閔繼縉縣志仁壽人萬歷壬子舉人崇禎庚辰知臺州府修城繕學百廢具舉歲大歉設粥賑饑民賴以存活者甚衆

黃昌縣志仁壽人天啟壬戌進士任江陵知縣行取南京山西道御史惡溫體仁周延儒二相之爲人特疏彈劾凜凜風裁人咸敬畏之

王範字慕吉縣志內江人崇禎辛未進士知丹陽縣操持清白遇事勤敏公餘寢處解後一室三年未嘗入內行取御史巡按浙江風裁峻厲以忤時相轉僉事

蜀亂寓居丹陽丹人素德之歲時贍送薪米不絕子于蕃于宣俱登科第

陰佑宗字維侯縣志內江人武鄉子崇禎丙子舉人孝友敦睦志繼前光爲文宏博論古今事如決江河有經世畧歷官僉憲未盡其才尋致仕隱五河子毓和舉人

喻紹昇字元照縣志內江人天姿英異才氣過人奢儉之變紹昇以諸生應藩憲朱燮元聘身先士卒同土司秦良玉克平大憝撫按交薦以功授副總兵明亡資州直隸州志

卷十六

人物志

宦業

後退老不仕曾孫宏林舉孝廉任江南六合令

馮璋字曼郎縣志資陽人崇禎庚午舉人辛未會試副車初授遂寧教諭陞廣東南雄府推官政簡刑清著有治績擢太僕寺卿提督湖南學政持鑑公明所拔皆知名士荆襄間無遺璞焉授湖南巡撫卒於官崇祀楚省名宦

胡重光縣志內江人由吏員任雲南倅以勦阿克功陞登封主簿署縣事值蝗民饑多方捐賑士民尸祝有子賢能繼其志焉

陳朝縣志內江人以吏員任徽州吏目捐俸賑饑士民賴之

王師保一統志資陽人前明鄉薦知五河縣有惠政尋擢戶曹順治初以原官督理鳳倉區畫轉輸之法著有成績後解組寓五河卒民祠之縣志保字元燮明崇禎庚午舉人庚辰進士性廉介任五河縣知縣改縣遷學凡利於民者不問難易胥力任之歲青請蠲漕米千石邑困以紓旋擢漕米運士民拔輿泣送者亘百里

資州直隸州志

卷十六

人物志

宦業
完

國朝范爲憲字眉生江南通志內江人順治三年知繁昌縣土寇千餘人薄城下憲率衆登陴面中流矢不少動指揮勇士從城南隅出力戰殺賊賊驚遁事平士民有爲仇家所陷以賊案株連者憲力爲申雪悉荷全宥

黃開運字天文縣志內江人少負才名慷慨有氣節獻忠之亂賊將劉進中率兵五萬駐內江肆行勦戮開運集義勇襲之斬獲甚衆後寓閩中巡撫李國英奇其才勸習舉子業順治丁酉舉於鄉戊戌成進士任

楚天柱令時湖南甫定瘡痍未起極力撫綏數年間桑麻遍野遂稱富庶洊擢刑部郎中卒於官

楊注字東之縣志內江人明戶部郎樹第子庚子舉人任陝西成縣知縣才望為一時所重

陰毓和縣志內江人僉憲佑宗子少慷慨有大志以繼述前徽自勵明季任雲南南安州知州卒於官子紀

世康熙丁卯舉人任直隸束鹿縣知縣子孫詩書接武焉

陳祖舜舊志資州人授麻城論陞漢中教授為人剛介資州直隸州志

卷十六 人物志

宦業 五

廉直在麻城奏劾御史不法狀漢中奏保先任知府曹子徽復任漢中其氣概才負類如此嘗著覆瓿集若干卷趙雪航重之為之贊云學博追聖賢之緒文富究經傳之義秋水淡雲泊乎素志寒岩古柏凜乎義氣

喻宏林字西園縣志內江人總戎紹昇之孫父治遭亂不仕宏林少穎悟弱冠中康熙己卯鄉試任江南六合知縣廉明有聲丁酉分校金陵所得士如儲掌文秦上達唐綏祖輩皆一時名士人推卓鑒焉從弟宏

猷雍正癸卯舉人歷官山東沂州府同知子炳乾隆
丙辰舉人

胡世安字處靜號菊潭四川總志并研人少有異才稱
神童事親篤孝崇禎戊辰進士選庶常未幾分校春
闈及典試兩浙所得皆知名士 國朝擢翰林學士
典試丙戌丁亥兩科遷禮部侍郎晉尙書凡祀典慶
賀朝儀山川祭告文武等威大臣謚蔭郵科場事例
歷律諸書皆援古準今務令繁簡合度輕重適中一
時推重比於叔孫張倉焉三蜀初定首疏請開科收

資州直隸州志

卷十六 人物志

官業 五

拾人才十五年晉大學士論思啟沃攄誠竭忠以積
勞成疾乞休請著籍山西之汾陽居汾三年卒康熙
初年賜祭葬蔭一子有易史譯峩籟菊史異魚考襍
帖綜聞寒友編和陶度除秋思等集行世生平廉介
身後無餘貲兩孫鬻所藏書畫以備葬殮云

何顯祖字爾公縣志內江人思華子由副貢中康熙己
卯經元授江西靖安縣令清廉慈恕歲歉寬征請賑
一洗輸納陋規靖人德之致仕歸行李蕭然上民泣
送祀靖安名宦

劉應登字晉陞縣志資陽人甲申之變部勒義勇以衛鄉人仁簡兩資全活甚衆雍正十年擒賊首沈黑山敘功給副將俸賜蟒衣一襲康熙間辭歸以進士例優免篤於行義至老不衰云

王廷梅字雪菴縣志資陽人康熙甲子舉人任江南睢寧縣知縣愷悌多惠政而於除蝗賑饑尤盡心焉

詹天裕字行與號秀卿縣志資陽人值流寇入川以勇畧自任糾合團砦鄉人倚之及國朝定鼎率衆

投誠隨師勦定雲貴兩廣洊授建南廣羅協副將順

資州直隸州志

卷十六

人物志

宦業 三

治十六年蜀寇餘黨哨聚建南調委建昌鎮總兵鎮壓勦撫一時民商安堵爲立生祠祀焉康熙元年以老致仕卒

楊化元字善長縣志內江人按察使所修孫父桐禮縣令有德政化元少有異相詩文書法名噪一時康熙壬午與兄化貞同舉於鄉雍正甲辰謁選簽掣榆林州佐引見上顧謂部臣曰這子好人去得

州同佐貳無事可惜特簡授雲南路南州知州在任愛民重士新建學宮祠壇疏東西兩大堰詳減

贖丁攤銀一千三百餘兩之半士民利賴焉以卓異擢刑部員外郎旋晉本部廣東司郎中在部四年致仕歸

姚允先字紹虞資州人幼岐嶷長好學日誦數千言獻逆躡川避兵遵義有老人相之謂曰君虎頭燕頤當立功行間無自誤會

王師廓清海宇允先遂歸

安靖大將軍桑授副將尋以功奉

旨署守備管

中營事康熙十九年從大將軍桑攻辰州獨率敢死士躍濠而上遂克其城沅州等處皆不戰而下部議

資州直隸州志

卷十六

人物志

宦業

三

授守備仍管中營事是冬復從大將軍周攻倉坪鎮遠直過油榨關並得偏橋興隆二衛貴州悉平二十一年春進取周官獲營三座新興普安悉復

王師

直抵雲南時賊將要我師于京蟄河口允先揮騎大敗之獲馬匹器械不計其算因卽安撫湖海水陸流民兵民共稱其仁明亡何迤東僞將夏相國等作亂圍總兵李國樑先遂率本標兵兼程進戰大破之復與李國樑合擊又破之迤東平旋師共圍雲城僞周隘地盡破逆渠自刎雲南平繼奉

旨赴部改補

留京邸十年會楚兵變

上乃命先行至則渠魁

已擒而弄兵者尙在肘腋示以誠信反側悉安論者謂有儒將羊叔子風康熙庚辰以老告歸

誥授

榮祿大夫特賜一品麒麟服卒年八十長子國棟學生次國柱以軍功授山西大同遊擊三國彬國學生子孫鼎盛

雷遵周字正宇資州人明季軍功官新屯千總擢貴州遵義協鎮轉右都督軍門

國初以老歸刻意於

學窗聯云壯年有志生擒賊晚歲無能死讀書封榮

資州直隸州志

卷十六

人物志

宦業

雷

祿大夫

劉學貴縣志資陽人順治初蜀寇未靖與弟學榮力拒逆黨各

賜錦袍一領封驃騎將軍仍遣隨軍効

用全蜀底定屢著勞績康熙中以老致仕卒

雷時字雨若縣志并研人宏儒子雍正元年拔貢慷慨多智畧以州判職分發直隸強幹有爲歷署大邑陞宣化縣知縣再陞磁州牧辦理五臺回差

上于

馬上見時呼時問曰朕在五臺見差員雷暢汝何人也時叩頭以臣胞弟對

上霽顏稱善壬申中巡

嵩山駐蹕射柳亭

召見

賜紫貂大緞克食

授宣化府知府卒於官

雷暢字燮和錦里新編井研人雍正巳酉拔貢挑發山西署應州大同補平遙令陞沁州牧強幹有爲乾隆十五年上幸五臺檄修長城嶺道是時大雪盈尺前路多泥濘不可行暢令築堅實上覆以薄土望之如玉砌上大喜召見詢出身父母家世甚悉賞大緞表裡貂皮荷包授湖南常德府知府調長沙以母老請養奉

上諭據范時綬奏稱長沙府

資州直隸州志

卷十六

人物志

宦業

五

知府雷暢以伊母年老懇請回籍終養雷暢尙屬可以出力之員若因侍養就閒轉不得及時驅策伊前任山西時伊母曾經迎養在署已降旨將伊調補陝西漢中府知府俾得就近迎養以全人子之情着該撫胡寶瑑將此傳諭雷暢知之欽此未幾授漢興道調山東濟東道再調浙江督糧道陞湖北按察使時湖北刼盜姦拐私梟之案倍于他省有無賴名痞子更爲民害暢廉得其情胥置之法并設巡船以捕水盜民情帖然隨丁母艱服闋補山東按察使調山西

按察使以事鐫級補內閣侍讀學士後以病歸卒於家暢精于審斷用法平允當時有白面包老之稱在大同時讞私鐵出口案出囚七百餘人在常德讞偽稿案不錄一人大吏切責之暢曰壽張之徒人所共憤然任私率禁累及無辜不忍爲也卒不顧

張中正字靜觀縣志井研人雍正乙卯拔貢任江西永新縣丞聽斷明決清介自持監漕除剔弊端不遺餘力士民鐫碑紀之後擢萬安知縣以疾辭歸父老攀輿泣送有至楚境始返者歸家囊無餘物書籍數篋

資州直隸州志

卷十六

人物志

宦業

五

而已年七十有七卒於家

門廼正字思位縣志內江人明參政達之裔雍正癸卯舉人令陝西安定縣興學校勸農桑莅任未久卒於官士民悲之如失慈父母

鄭師賢字紹先一字士希資州人父宗義明季之變避難滇黔楚粵間及國朝定鼎隨父歸籍入庠食

餼旋貢成均三十司鐸綦江補興文歷官江西高安知縣轉瑞州府通判廉明慈恕所至有聲

雷輪字紹堂縣志井研人時之孫乾隆乙酉選拔戊子

舉人已丑進士選庶常散館授翰林院編修轉監察御史戊戌會試充同考官得士九人遷給事中巡察臺灣轉部員陞湖州府知府少孤事母以孝聞母病侍湯藥未嘗安寢居喪哀毀如禮及貴顯常以不得養親爲憾居官清介纖毫不肯自污惟以愛養士庶爲事以此湖民戴之如父母而上官亦深倚重尋擢江西吉南憲寧道量移督糧道卒於官

馮中虞字允執縣志資陽人以歲貢任江安訓導勤誘掖慎取予卒之日門下士哭失聲及櫬歸徒步執紼

資州直隸州志

卷十六

人物志

宦業

七

者數百人

陳善字我敬縣志內江人明太常卿余才之裔父維翰少孤值獻賊之亂寄撫于資中陳氏因從其姓善長遊庠食餼以歲薦任雙流司鐸老成有度誘掖後進多所成就士林重之子孫復姓余

鄭秉鈞字亮工資州人年十六補諸生試輒冠軍屢困棘闈由歲薦任崇慶州學博以疾歸尋愈復任蓬州因教匪蹂躪州境日夜巡邏不解衣帶而臥者數月憂勞成疾卒於官年五十餘錦江課藝有詩文行世

姜毓奇字嗣可縣志內江人性孝友沉潛史籍試輒冠
軍以恩貢授閬中縣教諭端嚴善獎勸士類奉
爲典型以孫錫嘏貴 贈奉直大夫

黃恂縣志井研人少聰穎下筆千言立就乾隆辛酉拔
貢是科卽舉於鄉歷官射洪教諭重慶教授以行誼
文章楷模多士後陞貴州施秉縣知縣值進剿緬匪
軍書劬午肆應裕如未幾以憂去遂不出講學於來
鳳書院遊其門者均以能文稱

彭以懋字勉之縣志世居資陽家貧好學由華陽籍舉
資州直隸州志 卷十六 人物志 宦業 五
辛卯鄉試任甘肅燉煌縣知縣陞安西州知州所治
以重學校養人才爲務修城垣開河渠嚴堡伍無不
備舉士民甚德之親老乞歸置義田以贍親族鄉里
仰其風節焉

鄭淮字右江一字丹溪資州人瑰奇磊落十八補弟子
員乾隆己酉科拔貢就州判職委署直隸宣化府分
府歷懷柔萬全等縣知縣後奉 命捕蝗以報最
選補移署趙州未之官卒於京邸

黃潤中縣志資陽人鳳翮子以明經官安岳訓導歷任

十三年教授諸生惟以品行相勗獎譽人才成就甚夥後沒於任柩回時門生祖餞者相爲泣下送至家者不下百餘人至今安邑猶稱頌不衰焉

朱興最資州人登雲之子性剛正家貧奮志不輟雍正戊申科拔貢任順慶府渠縣教諭振興學校善誘生徒遊其門如余人鶴尅昂輩皆先後登第時有庠生王某其繼母聽弟讒言控生不孝私賄二百餘金祈置於法興最堅却不受曉以大義其母遂化於慈而其子益孝後登科甲嘗刻孝經數百部以勸人每出資州直隸州志

卷十六

人物志

宦業

堯

必攜竹籃見塗間有片文隻字皆拾歸浴而焚之年七十三卒

李殿颺字帝臣縣志資陽人由歲貢官大寧縣訓導大寧爲楚蜀交界之區文風素陋殿颺至以先正之法訓迪諸生一時成名者衆年八十五卒